





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL 1.6.469/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.469/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.469/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.469/a

VINCENTII ALSARII  
L I G V R I S

DE INVIDIA, ET FASCINO  
Veterum Libellus.

AD ROBERTVM TITIVM  
*Burgensem Virum Eruditissimum.*

Cum indice rerum omnium memorabilium, & Autorum qui  
in hoc Libello citantur Elencho, ordine alphabetico  
Digestis.



L V C A E,  
Apud Vincentium Busdrachium. 1595.  
*Cum licentia Superiorum.*

VINCENZIUS ALVARUS

A. C. V. 1. 3.

DE INDIANA ET PALLIDIS

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.


1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.

1. 3. 1. 3. 1. 3.





ROBERTO TITIO

B V R G E N S I

VIRO DOCTISSIMO

VINCENTIVS ALSARIVS

s.



*IEBVS* genialibus  
proximè elapsis cum à  
*senioribus studiis vaca* *seu senioribus vel p. r.*  
*rem, Doctissime Rober* *nioribus*  
te libellum hunc de In-  
uidia, & Fascino ve-

terum inscriptum, animi potius gratia,  
quàm <sup>ut</sup> ~~ne~~ minimùm quidem gloria ex eo  
mibi euenturum sperans, confeci, quem  
cùm nonnullis ex amicis meis legendum  
ostendissem, illicò me rogarunt, ut eum  
quam primùm in lucem ederem. Ipse ne,  
& ergà amicos, & de me etiam bene meri

A 2 tos

tos parum gratus haberer, illis morem ges-  
 si, ac typis describendum curavi. Tibi au-  
 tem eum dicare volui, tūm, quia noui te  
 hominem ab hoc inuidia morbo penitus alie-  
 num, & sincera liberaliq; doctrina præ cate-  
 ris ornatum, tūm etiam ut apud animum  
 tuum aliquod meæ in te obseruatiæ signum  
 testatum relinquerem. Nec illud ad hoc  
 me mouit, quod te huiusce antiquitatis ne-  
 minima quidem ex parte ignarum existi-  
 mem, & propterea putare me aliquid noui  
 tibi allaturum, esset hoc enim, tanquam iux-  
 tà Prouerbiū, sūus Minervam, cum sis  
 Lectionum omnium kelluo, ut tua ipsius  
 opera testantur, verū de hoc alias. Ae-  
 quo igitur animo atq; lylari fronte meum  
 hoc munusculum suscipe, pluraq; in poste-  
 rūm à me ( si vita suppetet, vix enim x,  
 & ix annum attingo ) ac fortasse vberiora  
 expecta. Vale.

VIN-



VINCENTII ALSARII  
LIGVRIS

DE INVIDIA ET FASCINO VET.

LIBELLVS.



EGENTI mihi librum Aristotelis de Arte dicendi secundum occurrit statim locus ille, vbi de Inuidia multa in medium Philosophus adducit. Refert enim Inuidiam locum habere sæpius in fortunæ, quam inanimi bonis. Sed contra vsu experimur quotidie virtute præstantes viros accerrima laborare inuidia, & quamuis soleamus iis inuidere quos indignitate fortunæ, ad summas opes, summamque rerum opulentiam peruenisse videmus, attamen non in his modò constat inuidia, sed in virtute præditos maximè etiam declinat: Vnde Plutarchus *Inuidetur inquit iis potissimum quorum virtus crescere videtur. Itaque etiam Themistocles dicebat, se adolescentem, nullum splendidum fecisse facinus, nondum enim sibi fuisse inuisum. Sicut enim cantharides maximè adul-*

6 Vincent. Alfar. libel.

adultis iam frugibus, & rosis florentib. incumbunt, ita  
inuidia maximè adoretur bonos, & ad virtutem  
proficiscentes, atq; gloriam. Hinc etiam Horatius

*Virtutem incolumem odimus*

*Sublatam ex oculis querimus inuidi.*

Huius generis exemplum suppeditabit de  
Aristide Plutarchus, inquit enim *Aristides cum*  
*omnis virtutis, tum maximè equitatis, & iustitiæ*  
*apud populum periculum fecit, quæ ad summam sem-*  
*per utilitatem ac fructum referuntur ex quibus Ari-*  
*stides quamquam vir inops, & plebeius, regium ta-*  
*men in primis, ac diuinissimum Iusti scilicet cogno-*  
*men adeptus est.* Nihil igitur in hoc homine ad-  
mirabilius, nihil præstantius, quàm iustitia, pau-  
pertatisq; tollerantia: & tamen cum pauper es-  
set Iustiq; cognomen factis, & vita consequu-  
tus esset, non odio potentiæ, aut diuitiarum,  
exilio illo decennali Atheniensibus v'sitato, qđ  
*δ' ὀστράκων* fiebat, multatus est, Patet ergo hoc  
exemplo inuidiam in res omnes etiam tenuissi-  
mæ operæ declinare, cum videlicet quispiam,  
vel animi, vel ingenij, vel corporis bonis alium  
præstare ægre fert, & quodammodo iniquo ani-  
mo videt, quibus ipse careat, ex quo etiam in-  
uidientiam dictam existimauit Cicero. Quibus  
omnibus manifesto (puto) liquet non esse id  
quod



quod loco de Arte Dicendi citato scribit Aristoteles, perpetuò, neque usquequaq; verum. Interim aut illud Pindari non est omittendum:

ἀπτεται δ' ἐσλῶν αἰεὶ χειρόνεας δ' ὅσῳ ἐρὶ ζει. & Pyth. εἰδ. 1α. ἔχει τε γὰρ ὁ λῶς ὀνυμείονα φθόνον: ὃ δ' ἐχαμηλαί πνέων, ἄφαντον βρεμεῖ. idest (Opes enim, & res

*Hor. Invidia gloriæ.*

valdè secundæ, non parvam inuidiam habent: *paræ uirtutis relictæ.* qui autem humilia spirat, & humi iacet obscurum fremit.) Excitari autem plurimum solet inuidia, cum immoderatè quempiam vrentem videmus his bonis quibus pollet: eaque multum esse in ore hominum. Ita enim apud ple-rosque comparatum est, ut alienis radiis putent suam lucem præstringi. Inter æquales autem potissimum versatur. non enim externis externi inuident, sed aut qui eisdem studiis tenentur, aut qui eandem artem profitentur, de quibus Hesiodus pulcherrimè meminit, cum Figulum Figulo, Architectum Architecto, Poetam Poetæ inuidiosum cecinit. Ibi enim maximè disparilitas eminet, ibi similia conferuntur. Minimè verò silentio prætereundum, Inuidiam, in eos, qui multum cæteris antecellunt, & præstant, esse imbecillam, unde Horatius

-- inuidiaq; maior

Urbes relinquam.

Et

Et alibi,

-- iam dente minus mordeor inuido.

Intelligebat enim eò peruenisse vt sibi nemo posset inuidere. Sic, & Salustius, *Gloria inuidiam vicisti*. Id etiam commodum aperit Plurarchus lib. περὶ φθόνου καὶ μισους, his verbis, Αἱ δὲ τῶν ἐντυχημάτων περὶ ὅχαι, καὶ λαμπρότητες πολλὰκις τὸν φθόνον κατασβεσσουσιν. ὁ γὰρ ἐκὸς Ἀλεξάνδρου τινὰ φθνεῖν, ὁ δὲ Κύρῳ κρατήσασιν, καὶ γενομένοις κυρίοις πάντων: ἀλλ' ὅτι περὶ ἡλίου ὧν ἂν ἰσχυρὸς κορυφῆς γένηται καταχόμενος τὸ φῶς ἢ πάντα πασι τῷ σκιάῳ ἀνείλεν, ἢ μικρὰν ἐποίησεν, ἔτι πολὺ τῶν εὐτοχημάτων ὕψος λαυόντων, καὶ γενομένων καὶ κεφαλῶν ἔφθονε, συστέλλεται, καὶ ἀναχωρεῖ καταλαμπόμενος.

Latinè dices. *Rerum secundarum præstantiæ, & exsuperantiæ, & fulgores sæpè inuidiam extinguunt non enim est probabile quemquam Alexandro inuidere neq; Cyro, rerum potitis, & omnium nationum dominationem consecutis. Sed quemadmodum sol, quorum superuerticem versatur, lumen suum iaculans, aut prorsus ei umbram adimit, aut paruam efficit: ita postquam res secundæ ad magnam altitudinem peruenerunt, & ascenderunt ad inuidiæ verticem, comprimuntur, & coercetur illa, & summouetur, à splendore rerum secundarum illustrata. Et Plutarch. Quò & à Marone allusum putarim dum in Georg. commemorat magnitudinem rerum gestarum Augusti tantam esse, vt Inuidia suum liuorem*

rem



De Inu. & Fasc. Vet.

rem in eas non sit ausura expromere.

*Invidia infelix furias amnemq; seuerum*

*Cocytum metuet.*

Quod haud scio, an quisquam alius adhuc annotauerit. Non est illud Pindari, à multis posterioribus scriptoribus usurpatum. Inuidiam miseratione meliorem, atq; optabiliorem esse.

Verba Pindari sunt hæc. ἄστων δὲ ἀκοᾷ κρύφιον θυμὸν βαρὺν ἐμαλίστ' ἐσλῶις ἐπ' ἀλλοτρίοις, ἀλλ' ὅμως κρείσσων οἴκτιρμεν φθόρος. Μὴ παρὶε καλὰ. Hoc est.

Cuius animos occultè grauat inuidia, cum alienas virtutes audiunt. Verumtamen melior miseratione inuidia est; ne prætermitteres præclaras. Ex quibus expressum est illud Epigramma Græcū ὁ φθάνος οἴκτιρμῆς καὶ Πίνδαρόν στιν ἀμείνων. Οἱ βασκαυόμενοι λάμπρον ἔχουσιν. Τοῖς δὲ λίαν ἀντυχεῖς οἴκτιρομεν. ἀλλὰ τίς εἴλω; μὴ τ' ἄγαν ἐν δαμῶν, μὴ τ' ἐλεεινός ἐγώ. id est. Invidia ex sententia Pindari, misericordia melior est. Hi, quibus inuidetur, opiparè, & splendide viuunt. Eorum autem, qui miseri, & calamitosi sunt, miseremur. at quem me esse velim? neque valde fortunatum, neque valde miserabilem. Cum quibus congruunt illa Plautina in Trucul.

*Mauelim mihi inimicos inuidere quam me inimicis meis.*

*Nam inuidere alij benè esse, tibi malè esse miseria est.*

B

Qui

Qui invident, egent: quibus invidetur, rem habent.  
 Aristoteles distinguens τὸ νημεσᾶν indignari καὶ  
 τὴν φθονεῖν inuidere, lib. 2. de moribus ad Nico-  
 machum inquit, νημεσητικός λυπεῖται ὅτι τοῖς ἀνα-  
 ξίως ευπραττούσι φθονερός περὶ ἄλλων τὴν τὸν ὅτι πᾶσι  
 λυπεῖται hoc est. Indignabundus, seu is qui ad  
 indignandum propensus est, dolet eorum rebus secun-  
 dis, qui eis indigni sunt: Invidus hunc superans re-  
 bus omnium secundis contabescit. Idem propemo-  
 dum scribit in Rhetoricis εἰ γὰρ ὅτι τὸ νημεσᾶν λυ-  
 πεῖται δὲ ὅτι τὸ φαινόμενόν ἀναξίως ευπραγεῖν, πρὸς τὸν  
 μὲν δηλονότι ὅτι ὀυχοῖόν τε ὅτι πᾶσιν ἀγαθοῖς νημεσᾶν,  
 ἀλλ' ὅτι πλούτῳ καὶ δυνάμει, etc. idest. Si enim  
 indignari, est dolore affici ob eius, qui præter dignita-  
 tem, & meritum videtur rem suam bene genere, res  
 secundas; primum quidem perspicuum est non licere  
 ob omnia bona indignari, sed ob diuitias, & poten-  
 tiam, etc. duntaxat. Ibidem eorum reiicit opi-  
 nionem Aristoteles qui invidiam aut eandem,  
 aut parum sanè diuersam esse à nemesi, quæ ta-  
 men longè alia est, existimabant. Hoc in erro-  
 re M. Cicero minimè versabatur, imò vim vtri-  
 usque nominis quamoptimè calebat. Nam ad  
 Atticum scribens libro quinto, inquit. *Vt libet.*  
*Sed planè gaudeo, quoniam τὸ νημεσᾶν interest τὴν*  
*φθονεῖν.* quem locum malè quidam explicant.  
 Sic enim explicandus est. *Vt libet, sed planè gau-*  
*deō.*

Peto. Int. & Rhet. Arist.



deo. His verbis, Cicero se gaudere dicit propter Aduersarij repulsam, declaratque, se sine culpa hoc facere posse. erat enim ille indignus eo honore, quem petebat, nempe auguratu. quare repulsam illum tulisse meritò potuit gaudere: Hirriū autem intelligit, quondam competitorē suū. De eadem autem re in epistola ad M. Cœlium. Hoc ideo vult Cicero si Auguratum Hirrius Aduersarius meus obtinisset, ego non immeritò indignatus essem, neque propter meam indignationem, inuidere ei honorem dicendus essem, Hoc declarans ait differre το νεμεσῶν quod indignari Latine dicimus, ab eo, quod est, φθονεῖν vt græci dicunt, siue inuidere, vt latini. Hanc autem esse veram illius loci sententiam, nemo puto infitias ibit: nam & eam agnoscunt Victor. Lambinus & alij doctissimi viri. Pater hinc igitur lapsus eorum qui interpretantur Interest idest, vtile est, &c. illud interest, pro differt, est positum, vt Academic. 2. Qui illa τῆς αἰτίας, ē quibus omnia decreta sunt nata, negant quicquam à falsis interesse. Plutarchus præterea Libello περὶ νόμων ἀπερὶς supradictis consentanea scribit his verbis latine factis, Quibus multò utiliores sunt affectuum alumni impetus, cum rationi præstò sunt, & virtut-



tes adiuuant, ut animi excaudescencia fortitudinem acuit, improbitatis odium ad iustitiam valet indignatio ad eorum, qui prætermeritum fortunati sunt, obiurgationem, & monitionem excitat. Hoc autem inuidiæ morbo Plato maximè laborauit, aliorumq; laudes iniquo accepit animo. quem admodum ex veterum scriptis copiosè probari potest. siquidem inter eum, & Xenophontem tacitæ cuiusdam æmulationis liuorem extitisse Aulus Gellius auctor est lib. 14. Atticar. Noct. cum nullibi Plato de ipso Xenophonte tanto viro meminerit: eiusdem verò discipulos, sectares loquentes induxerit: quod animi malè affecti, atq; insynceri argumentum præbuit, ut idē Gellius dicebat. sed hoc Gellij argumentum tamquam falsum Muretus refellere conatur variat. Lect. lib. 5. cap. 14. qui tamen si animaduertisset de Abderite Democrito, qui Physica exercuit ( *πενταβλος* & ob eam causam dictus ) idem etiam factum esse à Platone, sicuti Aristoxenus refert, illa fortè contrà A. Gellij vel, ( ut alij volunt ) Agelij sententiam, quippe qui in rerum antiquarum veritate perferutanda, omnium propè scriptorum consensu, fuit diligentissimus, non protulisset. Nam cum Plato, in qui Aristoxenus, Locos quosdam tractaret, in quibus

*et cap. 14. lib. 5. cap. 14. qui tamen si animaduertisset de Abderite Democrito, qui Physica exercuit ( πενταβλος & ob eam causam dictus ) idem etiam factum esse à Platone, sicuti Aristoxenus refert, illa fortè contrà A. Gellij vel, ( ut alij volunt ) Agelij sententiam, quippe qui in rerum antiquarum veritate perferutanda, omnium propè scriptorum consensu, fuit diligentissimus, non protulisset.*



bus contra Democritum sentiebat, prudens tamen ac sciens, nusquam illum citauit; et si alios ferè Philosophos nominaret: tùm, quod est amplius, idem Plato quæcunq; habere potuit Democriti Comentarìa, traditur collegisse, eaq; cum cremari voluisset, ab Amyda, & Clinia viris Pythagoricis prohibitus est, asserentibus, eos Democriti libros non posse omnes extinguì, cum apud multos passim exempla eorum seruentur. Quam rem & Laertius Diogenes ex veterum commentariis recenset. Qui autem inuidus est suam ipse sibi fouet infelicitatem, quã doquidem Horatius.

*Inuidia Siculi non inuenere Tyranni*

*Maius tormentum.*

Licet enim (dicit Horatius) Agathocles, Phalaris, & Dyonisius Siciliae Tyranni multa inuenerint atrocissima tormenta ad homines cruciandos, & excarnificandos: nullum tamen est quod crudelius torqueat animum, quàm inuidi hominis contubernalis, & tabifica inuidia. & Plato lib. 9. de legib. *Inuidiam* ait esse contubernalem grauem, ac molestã maximè quidem primo loco ei qui inuideat secundo loco viris optimis, & clarissimis Civitatis. Et Antist. inuidiam præcipuum, & intestinũ inuidi, malum esse apertè satis ostendit, qui, vt refert, Laertius Diog. lib. 6. in eiusdẽ vi-

ta,



ta, dicere solitus fuit. Sicuti erugo ferrum, ita inuidia animum hominis, ubi insita est, consumere.

Et proinde per translationem inuidiam Aeruginem vocauere: quasi sit tanquam æris: sic animi Aerugo. Mart. lib. 10. Epig. 33. Ut tu si uiridit in æros ærugine versus. Id est futurore, & male dica inuidia. Horatius lib. primo Sat. 4.

-- hæc est Aerugo mera.

Eleganter igitur Isocrates putauit inter maximos cruciatus inuidiam annumerari debere, quod ipsa habenti maximum supplicium sit, ut facile intelligi possit abunde pœnas luisse, qui alteri inuidet. Propterea, & Quint. Curt. Inuidos homines nil aliud esse scribit, quam ipsorum tormenta. Est enim inuidia ex proximi commodo proueniens dolor, originem ex superbia dulcens, sicuti interpretatur Augustinus. Cuiusmodi etiam sint inuidiæ facies, graphice exprimit Ouidius in illis verbis.

*Pallor in ore sedet, macies in corpore toto.*

*Nusquam recta acies, liuerit rubigine dentes.*

*Pectora felle virent, lingua est suffusa venena.*

*Risus abest, nisi quæ visi fecere dolores.*

Propterea autem quod veteres existimabant, inuidiam, iis, quibus inuidebatur, esse damnosam, perniciosam, ac pestiferam, & ab ea iccir-



co Fascinum vt plurimum oriri (solo enim obtutu, & aspetu inuido, atq; maligno inuidos hominibus, & maximè pueris, nocuisse vsu didicerant, natura namque ingenitum est, vt quæ vnicuique maximè displicent, ea è mediotollere procuret,) Iccircò eam multis modis placare, atque extinguere studebant. Tribus autem potissimùm remediis ad hoc fuisse vsos veteres illos comperio quamquam, & de aliis sim dicturus. Primùm quidem Ridiculo aliquo spectatoribus obiecto. Deinde Fortunæ secundæ dissimulatione, & deniq; Casu aliquo aduerso sponte suscepto atque contracto. Quorum libet mihi subiicere ex bonis autoribus exempla. Ridiculi exemplum est, mentula, seù similis res aliqua turpicula, quam de collo puerorum ad Fascinum, & fascinantium inuidiam repellendam suspendebant: hoc est quod apud Varonem legitur in libro de ling. lat. 6. in his verbis, *Pueris turpicula res in collo quædam suspenditur, ne quid obsit bonæ scæuæ causæ.* Quocirca, & Fascinum aliquando (liceat hacuti licentia) mentulam significare inuenias vt carmine obsceno apud Horatium.

*Mimus de languet Fascinum.*

Vbi Porphyrio siue quis alius fuerit qui illa in  
Ho-

Horatium commentaria ediderit: *Fascinum* pro virili parte posuit, quoniam fascinandis rebus hæc membri deformitas apponi solet. Nam obiecta spectatorum oculis, risu commoto, effascinantium inuidiam discutit, atque auertit. Hinc etiam in Priapeis:

*Pedicaberis*

*Prædicaberis fascino pedali.*

Et hæc explicans Coelius Rod. in Antiq. lect. scribit. *Lectum est apud Varronē in Italiæ compitis liberi patris sacra solita celebrari tanta turpitudinis licentia, ut in eius honorem virilia colerentur pudenda, palam exaltante nequitia, nam liberi patris membrum, per dies festos magna celebritate plostellis per agros prius, mox & in urbem vectabatur. Lavinij integer mensis libero dicabatur, quibus diebus unusquisq; spurcissimis abutebatur verbis, donec per forum transueheretur membrum, cui inspectantibus omnibus mater familias honestissimam, coronam necesse erat imponere. Sic Deus is propitiabatur, ad seminum proventus: sic ab agnis fascinatio aueruncabatur. Unde opinor turpi membro impositum nomen, ut fascinum ab effectu diceretur. Atque hæc omnia, ut patet, ex Antiq. lectionum lib. 4. cap. 6. Cœlij Rodigini. Verum & Fascinus Deus erat eius depulsor, cuius rei causa curribus triumphantium subiiciebatur, ut Fascinum in autores reii-*



reiceret, eosdemque Fascinum recipere, & inuidiam iuberet. *Et Fascinus*, inquit Plinius, *imperatorum quoq; non solum infantium custos, qui Deus inter sacra Romana à Vestalibus colitur, & currus triumphantium, sub his pendens defendit Medicus inuidiæ, iubetq; eosdem recipere.* Hortos præterea, & fores contra inuidientium effascinationes dicare, vt Plinius refert, solebant, & in remedio erant Satyrica signa: etiam Satyrion inuidiam depellebat. Et dignum situ illud in hac mentione: Veteres Ferrarios fabros ante fornaculam solitos ridicularia quæpiam appendere, inuidiæ auertendæ gratia. Nam quæ turpia erant & ridicula ad auertendam illam pestem accommodata credebantur, obtutu, & asperu inuidientium ex obscænitæ, & miraculo turpitudinis auocatis, vt refert Plutarchus. Huiusmodi verò amuleta dicebantur bascania. est autem bascanus qui oculorum acie *μαγεῖ* idest pernecat, corrumpitq; visa. Quod apud Cœlium Rhodiginum legimus. Varro quoq; quinto de ling. lib. ea remedia proebra dicta esse docet, seu prohebra à prohibendo: & item Festus: quæ Græci *ἀλεξίνακα* appellant. Fortunæ secunda occultationis exemplum, suppeditabit Catull. carm. ad Lesbiam.

C

Dein



*alio respicit**Dein cum millia multa fecerimus**Conturbabimus illa ne sciamus**Aut nequis malus inuidere possit.*

Hunc inuidiæ liuorem euitare facile poterimus, si nec venditemus, nec ambitiosè nimis iactemus, minimeq; cæteris nos præferamus. Inter omnia namq; æqualitas maximè conciliat amicitiam, & tuetur, ostentatio autem vbique inuidosa. In cætu etiam amicorum minimè nobis plausores, & nostrarum buccinatores laudum appareamus. Hoc enim ità odiosum semper existimatum est, vt iactata sit apud Græcos Sententia: Latendum esse dum viuimus, vt feliciter viuamus. Alioqui qui se nimis exponunt, & quasi ad opinionem hominum, ostentant, perpetuos habēt persecutores eos, qui se in eodē bonorū genere optant esse q̃ clarissimos. à quo genere inuidiæ diuersum minimè videtur, quod de Hadriano Imperatore legitur, qui nō alia de causa magnos quosdam viros, & Architectos primi nominis perdidisse dicitur, nisi hac vna, quod in his studiis in quibus ipse primum se esse volebat, non poterat pati quempiam præstare: Quo & ambitu cum Nero laboraret Lucanum tradunt non tam ab eo fuisse necatum, quod coniurationis fuisset particeps, quā quod

in



in Poeticę studiis multum sibi nomen vendicasset. Et Diogenes Laertius scribit Demetrium Phalereum cum apud Athenienses clarissimus esset, & ipsum quoq; ab inuidia fuisse reuolutum. Verum inquit, cum apud Athenienses clarissimus esset, & ipse tamen ab ea quę cuncta consumit inuidia tentatus est. Quippe insidias passus à quibusdam mortis sententiam absens excepit: Non tamen eius corpore potiti sunt: verum ipsius deicientes imagines, ærugine ex industria faedatæ, alias quidam venderunt, alias summerferunt, aliasq; in frustra conciderunt. Hęc Laertius. Scipionem etiam Africanum ab huiusce inuidiæ vi sic vexatum ferunt, ut & urbem relinquere ac ruri degere fuerit coactus. Plutarchus de Administranda Rep. Possem hęc multa huiusmodi exempla ex Aeliano, Dionysio Halicarnasseo, & aliis non paucis desumpta circumferre, quę quia doctioribus nota sunt, premitto. Illud vnum dicam, quod si cupimus hęc euitare inuidiam, danda est opera, quantum in nobis est, ut ea bona, quibus illustres sumus, non quidem abscondamus: hoc enim propè impium esset, sed omni ingenio declinamus, neq; superbè, arroganter, fastidiosè nos geramus, rebusque partis intemperanter abutamur. Sic enim Cicero in Philippicis disputat Marcum Antonium non esse ferendum,

C 2 quia



quia maiorem dominatum affectet, quam libera Ciuitas ferre possit, eòq; adducit animos Ciuium, vt M. Antonio tanquam superbo tyranno inuideant. Extinguitur similiter inuidia cū significamus præstantiam dignitatis, aut fortunæ, non ad nostram sed ad publicam vtilitatem conferri. Sic Cicero significat se eloquentiam experiri ad reipublicæ dignitatem, & Ciuium salutem. Illud verò in primis obseruandum ad inuidiam repellendam, quod toties diximus, ne ambitiosè nimis iactemus, venditemusque, & minimè cæteris nos præferamus. Nam & Pater ille Terentianus locupletissimum moribus filij testimonium putauit attulisse, cum dixit: Nunquam præponens se aliis: ità vt facillimè sine inuidia laudem inuenias, & amicos pares. Quin & nobis non paruo erit adiumento ad inuidientium effascinationem depellendam Apellem illum egregium pictorem imitari, qui cū apud Rhodios Protogenem in modica existimatione haberi animaduertisset, eiusq; opera non adeò præclara existimari intellexisset, tantum absuit vt ipse ea re lætaretur aut sibi gloriæ quicquam ex alieno opprobrio accedere putauerit, vt palàm profiteretur se magna pecunia Protogenis opera redempturum, quæ deinde pro

pro suis ipse vendicaret. Eoq; actu, & famam, *quo facto*  
 & quaestum Protogeni comparauit. Tantum  
 igitur abest, vt alienis vitiis insultemus, aut vir-  
 tutes nostras prædicemus, vt potius si fortè con-  
 tingerit, vt honorificos de nobis sermones audia-  
 mus, eos, quantum in nobis est, aut propulsa-  
 re, aut suppressere debeamus, tùm vt ambitio-  
 nis nomen fugiamus, tùm, vt minimè inuidiam  
 prouocemus. Proinde Catullus loco citato.

- cum milia multa fecerimus, inquit,

*Conturbabimus illa.*

Vbi & multum dicit; quia multum non est nu-  
 merus præfinitus. Ea namq; fuit veterum su-  
 perstitio, vt finitum numerum obnoxium fa-  
 scino crederent. Vnde cum in culleum pri-  
 mam vini urnam indidissent dicebant multa.  
 Hoc enim & ad Fascinum depellendum facie-  
 bant. Notum enim, vt quæ nimium lauda-  
 bantur, obnoxia fascino putabant. Vnde  
 Maro.

*Aut si ultra placitum laudauerit, etc.*

Qua de re infra vberius. nunc instituta perga-  
 mus.

Exemplum casus aduersi extat apud Here-  
 dorum de Polycrate in Thalia, cui nihil accide-  
 rat, quod nollet, nisi quod annulum, quo de-  
 le-



lectabatur in mare sua voluntate de Amasis cō  
filio abiecerat, vt Deorum inuidiam ( sic enim  
Herodorus ) extingueret. Cū autem Fasci-  
nus teneris magis quam puberibus noceret.  
Vnde Maro.

*Nescio quis teneros oculus mihi fascinat agnos.*

Facilius enim mali sensus, & noxa oculo trans-  
mittebatur, quem ὀφθαλμὸν βασκανον Plutar-  
chus appellat, causamque & ipse, & Alexan-  
der Aphrodiseus quærun, Iccircò & cuninam  
quæ Dea erat, puerorum cunis additam fe-  
runt, vt ab illis Fascinum arceret, vt Lactantius  
testatur in his verbis. *Et cunina quæ infantes in  
cunis tuetur, & Fascinum summouet.* Trium-  
phantium mos etiam fuit, præter eum de quo  
iàm supra diximus, vt in Bulla, quam in trium-  
phis præ se gestabant, includerent remedia, quæ  
aduersus inuidiam pollere credebant. Pura-  
bant similiter, qui ter despueret in sinum, Fa-  
scinum posse auertere, vt ille apud Theocr.

Ὡς μὴ βασκανθῶ δὲ, τρίς εἰς ἐμὸν ἔπτυσσά κόλπον.

Ταῦτα γὰρ ἄγραψά με Κοτυτταρίς ἐξεδίδαξεν. idest

Vt ne autem fascinari possem, ter in sinum meū  
despui. Hæc enim me anus Cotyttaris edocuit.

Tale ferè illud Persij: (Ecce auia, aut metuens  
diuū matertera cunis Exemit puerum, fron-  
tem-

temque, atque vda labella. Infami digito, & lustralibus antè saluiis. Expiat vrentes oculos inhibere perita.) Præterea & Fescenini versus ad hoc fuere reperti, sic, referente festo Pompeio à Fascino dicti, quia Fascinum putantur arcere, veluti malorum ingruentium amuleta, quamquam nonnulli magis probent Nominis morisque originem à Campaniæ oppido Fescenio, vel vt alij malunt Sabinorum traxisse vt Fest. etiam ac Seruius deducunt. Hi versus maxima verborum licentia constabant. De quibus sic Horatius.

*Fescenina per hunc inuenta licentia morem*

*Versibus alternis opprobria rustica fudit.*

Versum Fesceninum commemorat T. Liuius lib. 7. Annal. Huiusmodi versus Fesceninos Augustum Cæsarem scriptitasse testis est Macrobius. Habebant autem locum, tum in sponso, tum in quosdā alios. Catull. in carmine, quod scriptum est in Nupt. Iuliæ.

*Nec diù taceat procax fescenina locutio.*

Traxit autem originem hæc stulta veterum opinio, ex eo, quod quæ nimium laudabantur Fascino obnoxia purabant, vt & apud Plinium legimus quorūdam laudatione interire probata, arescere arbores, emori infantes. Scribit enim  
lib.



lib. 7. In eadem Africa familias quasdam effascinantium Isygonus, & Nimphydorus tradunt, quarum laudatione intercant probata, arescant arbores emoriantur infantes. Vnde illud Apud Maro.

*Aut si ultra placitum laudarit, Baccare frontem  
(ingite, ne vati noceat mala lingua futuro.*

Tertullianus de virginibus velandis. Nam est aliquod etiam apud Ethncios metuendum, quod fascinum vocant, infeliciorem laudis, & glorie enormioris euentum. Iccircò ab illis à quibus id metuebant addi Præfiscine volebant. Quo verbo omnem inuidiam se amoliri putabant. Valet enim præfiscinè, absq; Fascino. Testificantes ea voce, non se fascinandi voluntate, sed laudandi animo sine liuore vlllo candidè que se se loqui. Insigne mihi videor apud Charisium huiusce rei exemplum & adscriptu dignissimū legisse. Ait Charisius lib. 4. Instit. Grammatical. *Præfiscini, Titinius in Setina, Paula mea amabo.* Ecce qui loquitur, Paulam puellam laudare parabat: altera sequitur mox persona quæ id meruit, & præfiscini, metu Fascini addi postulabat ad laudem. *Pol tu ad laudem addito præfiscini, ne puella fascinetur.* Huic quoque sententiæ Hyeronimus Fracastorius in lib. de Antipath. & Sympath. ad stipulari videtur, cū ita scri-



scribit. Legimus & familias quasdam fuisse in creta  
(sed in Africa habet Plinij contextes) quæ lau-  
dando fascinum inferrebant, quod certè uti possibile  
recipiendum est. Existente enim natura quorundam  
(uti dictum est) piriinde ac venenosa; & eiāculatus  
ex oculis eorum spiritibus perniciosus, nihil prohibet non  
solum infantes, sed & grandiores fascino effici.  
Laudando autem maxime, quoniam laus propria læ-  
titiā parit. Lætitiā autem, ut diximus, dilata-  
tionem tū cordis, tū & spirituum facit, tū &  
cōtinis faciet, & præcipue oculorum. Unde aditus  
quodammodo aperitur veneno; quod a fascinatore  
eiāculatur. Quare forte natum est illud, quod præfa-  
mur; cum aliquos laudare volumus, bene prius omi-  
nantes, verba nostra dicimus tibi non noceant. Quin  
& aliqui sunt qui dum laudantur faciem auertunt  
non tantum, ut indicent molestam sibi esse laudatio-  
nem: sed et a Fascino caveant. Iam enim in opinio-  
ne est per laudationem Fascinum fieri. Apparet  
manifestò ex his Fracastorij verbis, causam, ob  
quam vim Fascini nimie laudes habere crede-  
bantur, spirituum esse dilationem. Ita enim  
facilius anima in se nocumentum recipit. Quo-  
circa opus fuit, tanquam optimo contrā huius-  
modi venenum amuleto spirituum euellere di-  
lationem, eosque prorsus constipare. Quam

- 11

D

ob



ob causam Baccaris coronam adinuentam fuisse legimus; quam herbam odoriferam esse, & constrictiuam (vt ita dicam) habere virtutem docet Dioscorid. lib. 3. cap. 46. Quod item confirmatur ab Atheneo qui, & ipse eandem huic herbae virtutem tribuit lib. Dipnos. 3. Corona ergo hasce herba contexta, meatus constipans, dilatationem prohibet, quae à nimia laude nasci posset. Et hoc modo vim Fascini impedire & penitus abolere poterat. Haec sunt, quae mihi, praestantis ingenij vir, de Inuidia, & Fascino, tecum habere per gratiam licuit, quae quidem, & parui momenti esse, tibi que notissima (licet non in iucunda, vt spero) minimè ignoro; Illud nobis sufficit haec te, qualia cumque sunt, æquo libentique animo suscepisse, spemque nostram tuis literis esse confirmatam.

(.:.)

FINIS.


IN.

# INDEX RERVM

## MAGIS INSIGNIVM,

Quæ in hoc paruo volumine continentur.

## A



- A**DERITES Democritus πενταβολος quare di-  
ctus. num. 12  
Eidem Plato inuidebat, ibidem  
Academic. 2. locus, num. 11  
Aequalitas conciliat amicitiam. num. 18  
Aerugo inuidia cur dicta. num. 14  
Agathocles Siciliae Tyrannus. num. 13  
Agellius à quibusdam vocatus A. Gellius. num. 12  
Alexandro quare nemo inuidebat. num. 18  
Αλεξμανα quæ Grecis. num. 17  
Annulam suam cur in mare Polycrates abiecit. num. 21  
Antisthenis dictum de inuidia. num. 14  
Apellis, & Protogenis historiola. num. 20  
Architectus Architecto inuidet. num. 7  
Architectos quosdam primi nominis Hadrianus  
perdidit. num. 18  
Aristides iustitia, & paupertatis patientia mirabilis. num. 6  
Vnde iusti cognomen sit adeptus. ibidem.  
In exilium quare pulsus ab Atheniensibus. ibidem.  
Aristotelis locus ex 2. Rhetor. num. 5. & 7. num.  
10. & De Moribus ad Nicomachum. ibidem.  
Aristoxeni locus. num. 12. & 13.  
Athenæi locus. num. 26  
Augustus ab inuidia quare non tentatus. num. 8  
Augustus fesceninos versus scriptitavit. num. 23  
Augustino inuidia quid sit. num. 14  
Aulus Gellius à quibusdam dictus Agellius. num. 12

D 2 Idem



Idem rerum antiquarum diligentissimus observator, *ibidem.*  
 A Mureto falso reprehensus. *ibidem.*

## B

Baccaris coronas, num. 24. & 26  
 Bascania inuidiae amuleta. num. 17  
 Bascanus quid, *ibidem.*  
 Bonos odoritur inuidia. num. 6

## C

Catulli locus, num. 17. 18. & 21. & 23  
 Charisij locus. num. 24  
 Cantharides adultis iam frugibus incumbunt. num. 6  
 Cicero inuidiam cur sic dictum existimavit, num. 6  
 Cicero quare dicat eloquentiam expetiisse ad Rei-  
 publicae dignitatem, & Civium salutem. num. 20  
 Ciceronis locus declaratus, & illustratus, epist. ad  
 Attic. 5. num. 10. & 11  
 Ciceronis locus, num. 19  
 Coelij Rhodig locus, num. 16. & 17  
 Corona ex Baccare quam habeat virtutem. num. 26  
 Cunina Dea. num. 22  
 Cyro quare nemo inuideret. num. 6

## D

Demetrius Phalereus ab inuidia tentatus. num. 19  
 Democrito Plato inuidebat. num. 12  
 Dictum Themistoclis apud Plutarchum. num. 5  
 Dictum Q. Curt. de inuidis. num. 14  
 Diogenis Laert. locus. num. 13. & 19  
 Diolcoridis locus. num. 26  
 Dionysius Siciliae Tyrannus, num. 13

Epi-

**Epigramma Græcum.** num. 9  
**Exilium ἀσπᾶρον** decennale apud Athenienses. num. 6  
**Externi externis non inuident.** num. 7

**F**  
**Fascinum** ab inuidia oriri, num. 14. & 15  
**Fascinum** quopacto à se depellerent antiqui. num. 15  
**Fascinum** pro virili pudendo posuit Horatius in  
 2. od. & Virgil. in Priap. ibidem, & num. 16  
**Fascinus** qui Deus. ibidem  
**Cur** Triumphantium curribus subiiciebatur. ibidem.  
**A** quibus Romæ colebatur. num. 17  
**Medicus** Inuidiæ appellatur à Plinio. ibidem.  
**Fascinum** teneris magis quam puberibus nocere. num. 22  
**Ferrarij** fabri ridicularia quepiam antè fornaculam  
 appendebant, & qua de causa. ibidem.  
**Fescenini** versus unde sic dicti. num. 23  
**Eorum** vsus apud veteres. ibidem.  
**Felli** Pompei locus. num. 23  
**Figulus** Figulo inuidet. num. 7  
**Finitum** numerum obnoxium Fascino veteres pu-  
 tabant. num. 21  
**Fores** contrà inuidentium effascinationes dicare ve-  
 teres consueuisse. num. 17  
**Fortunæ** secundæ occultatione depellitur inuidia. num. 15

**H**  
**Hadrianus** Imperator Architectos quosdam primi  
 nominis iussit occidi, num. 18  
**Herodoti** locus de Polycratis annulo. num. 21  
**Hesiodi** locus. num. 7  
**Hieronymi** Fracastorij locus. num. 24  
**Hirrius** Ciceronis competitor in auguratu, num. 11  
**Horatii** locus, num. 6. 7. & 8. num. 13. 14. & 15. & 23.  
 Hor-



## Hortos contrà inuidentiū effascinationes dicare

solitos veteres. num. 17

Indignari qui differat ab inuidere, num. 10

Interest qua significatione accipiendum in quadam

ad Atticæ epistola. num. 11

Inuidia cur ita dicta. num. 5

Inuidia num locum habeat sepius in fortunæ quam

in animi bonis. num. 5

Inuidia in virtute præditos maximè declinat, ibidem.

Inuidia quomodo in res etiam tenuissimæ operæ

declinat, num. 6

Inuidia quando maximè excitatur, num. 7

Inuidia versatur inter æquales. ibidem.

Inuidia, in eos qui multum ceteris antecellunt, imbecilla. ib.

Inuidia miseratione melior. num. 9

Inuidia maximum tormentum. num. 13. & 14

Inuidia ærugo cur vocata, num. 14

Inuidia quot potissimum remediis ab antiquis ex-

tingueretur. num. 15

Inuidiæ faces ex Ouidio. num. 14

Inuidiæ lior quomodo euitari facillè possit. num. 18

Isocratis dictum de inuidia. num. 14

L

Lactantij, locus, num. 22

Laudando sit fascinatio. num. 25

Lucanus à Nerone quare interfectus. num. 18

M

Martialis locus. num. 14

O

Opes non parua in Inuidiam habent. num. 17

Ouidij locus. num. 14

Per-

Perlij locus.	num. 22
Phalaris Siciliae Tyrannus.	num. 13
Pindari locus.	num. 7. & 9
Plinij locus.	num. 13. & 23. & 24
Plato inuidie morbo laborauit	
Aliorum laudes iniquo accepit animo.	
Platonis, & Xenophontis æmulatio;	num. 12
Plauti locus.	num. 9
Plutarchi locus.	num. 5. 6. & 8. num. 11. 17. 19. & 22.
Poeta Poetae inuidet.	num. 7
Polycratis annulus.	num. 21
Pompei festi locus.	num. 23
Porphyrj locus.	num. 16
Preſciſcinè quid ſit.	num. 34
Prohebra inuidiæ remedia dicuntur à Varrone.	num. 17
Prouerbum, Sus Mineruam.	num. 5

## S

Saluſtij locus,	num. 8
Satyrica ſigna erant in remedio contrà faſcinum.	num. 17
Scipio Africanus ab inuidia vexatus.	num. 19
Sententia quædam Græcorum.	num. 18
Satyron inuidiam depellebat.	ibidem.
Siciliæ Tyranni.	num. 13

## T

Terentij locus.	num. 20.
Tertulliani locus.	num. 24
Teocriti locus.	num. 22
Triumphantium mos.	ibidem.

## V

Varronis locus.	num. 15. & 17
Virgilij locus.	num. 9. 16. 22. & 24

F I N I S.



## NOMINA AVCTORVM,

Quorum testimoniis vsus est auctor in  
hoc De Inuid. & Fascino  
Veter. Libello.

Aelianus.

Alexander Aphrodisiensis

Aristoteles

Aristoxenus

Athenaeus

Augustinus

Aulus Gellius

Catullus

Caëlius Rodigianus

Charisius

Cicero

Diogenes Laertius

Dionysius Halicarnassensis

Dioscorides.

Herodotus

Hesiodus

Horatius

Hieronimus Fracastor-  
rius.

Isocrates.

Lactantius.

Lambinus.

Macrobius

Martialis

Muretus.

Ovidius

Persius

Pindarus

Plato

Plautus

Plinius

Plutarchus

Porphyrio

Quintus Curtius

Salustius

Sextus Pompeius

Terentius.

Tertullianus

Theocritus.

Titus Livius

Varro

Victorius

Virgilius.

FINIS



























44

















47





49











53



1-6-469













a = 005644068  
b = 005644069

16